


明獻徵錄

七十六

九十七



漢書門	九	一
類	六	五
號	三	七
函	九	七
架	三	七
冊	一	七

內閣文庫	漢書	八	一
類	書	九	五
號	七	一	七
冊	一	五	七
函	二	一	七
架	六	七	一

內閣文庫		
番號	漢	8987
冊數	157 (92)	
函號	287	153



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM. Kodak



焦太史編輯國朝獻徵錄卷之七十六目錄

鴻臚寺

卿

施純

楊宣

羅義

齊政

周文興

魏澆

少卿

王希孟

胡侍


寺丞

錢貴

獻徵錄

卷之七十六目錄

馬山



南京鴻臚寺

卿

胡森

史朝賓

刊行

焦太史編輯國朝獻徵錄卷之七十六目錄終

焦太史編輯國朝獻徵錄卷之七十六

鴻臚寺

卿

太子少保禮部尚書掌鴻臚寺事施純傳

實錄

施純字彥厚順天府東安縣人成化丙戌進士改翰林院庶吉士初授戶科給事中陞鴻臚寺少卿再陞本寺卿純習禮度每旦侍朝爲磬折狀甚恭又諸司奏事上是之語頗澁純請以照例易之用是蒙寵眷遂擢禮部右侍郎未幾陞尚書一旦與殷謙等入

狀徵錄

卷之七十六

曼山館

人同加太子少保成化二十一年閏四月卒年五十
無子以例賜祭葬純長身偉然出羣類表不十數年
得驟登峻秩前此所未有也

禮部左侍郎掌鴻臚寺事楊公宣墓志銘

傳瑋

公諱宣字振方世爲保定新城人曾祖敬禮祖斌父
仕能俱弗仕母蘇氏公生而穎拔不羣入縣庠爲生
累舉不中選嘆曰是我造詣未至也乃抵京從內翰
淳安商公游學業大進遂領景泰癸酉鄉薦甲戌登
進士第未幾拜河南道監察御史公剛毅有氣畧每
慨然以激揚清濁爲已任英廟復辟簡黜臧否以
更新治化公舉劾姦蠹無所避忌風裁凜然上默
重之會鴻臚寺少卿缺吏部以請卽擢公爲之凡朝

廷宴享朝賀大禮皆出職掌公修幹美髯奏對明暢日見寵遇自餘皆不敢望也 憲宗立以公舊臣眷注尤篤尋陞鴻臚卿滿三載進階中憲大夫賜誥褒封父如其官母恭人辛卯冬朝廷因災變下詔修省時荆襄叛寇劉千斤者既伏誅戎帥械繫餘黨獻俘於京屬官引奏公詢知徒衆有誤陷於辜者亟上章論救大要欲重人命謹天戒辭甚婉切有 詔法曹詳鞠以聞竟得矜宥論者服公之見云滿九載陞禮部左侍郎仍掌寺事越二載卽上疏乞休既歸日與鄉舊酌酒賦詩爲樂優游林下垂二十年而卒寔弘

治丁巳十月九日也距生洪熙乙巳六月二十九日春秋七十有三公爲人端慤謹密居家孝友處族黨惇睦待人一以誠所與交無不意滿者立朝號得君公亦克自勤恪雖大寒暑風雨未嘗一日闕朝前後蒙賞賚甚多若 御製連環詩一統志通鑑諸書之賜尤殊恩也計聞 今上遣官諭祭復 命有司營葬事於平公所遭亦可謂不偶矣

平公祖豎亦不歸矣

今土數宮餉祭豎 命休后贊

公亦京自謹卻難大寒暑風雨未嘗一日

郭錕卦入一以始初與交無不意

春林十有三公為人

下十日火日

鴻臚卿羅義傳

郡志

羅義山西清遠衛戍卒也革朝加兵潛邸義詣闕上

書乞息兵講和又上潛邸書略曰昔日武王崩成王

幼周公叔父也而輔相焉管叔流言以間王室周公

誅之殿下聰明英武博通經史今之周公也宜以周

公之心為心謹守燕土則天下皆以為周公之聖復

生於今日矣又謂古之夷齊以國相讓去隱於首陽

山矧聖賢欲成天下之事必先明逆順之理成敗之

勢禍福之機又得天道之宜人心之安然後可殿下

以藩國敵朝廷如遂其願臣實羞之書上忤旨下獄

文皇卽位義歸附以爲戶科給事中陞湖廣布政
司左叅議代左叅議楊砥入爲鴻臚寺卿建文時砥
常上書請敦親睦罷兵息民云

鴻臚寺卿大同齊公政墓志銘 徐溥

公諱政字以德姓齊氏世家雲中少卽穎異入郡庠
爲弟子員學業迥出儕輩永樂丁酉試於鄉中式明
年會試辭乙榜卒業大學宣德丙午吏部從太學諸
生選爲鴻臚寺序班公在選中或謂公且登科甲公
曰此古九賓之職也懼不能稱耳卒就職己酉改鳴
贊正統丙辰九載考最擢本寺主簿仍專鳴贊事己
而連遭父母喪服闋復任己巳擢寺丞景泰壬申再
擢右少卿天順丁丑英宗睿皇帝光復寶位知公
練達特擢本寺卿居四年以衰老乞致仕上優詔

留之又四年再以為請詔特令歸展墓 今上嗣位之初公年已七十有七請休致不已始賜俞允既歸二年為成化丁亥十二月十二日以疾終於正寢計聞 上遣官諭祭以明年某月某日葬於大同縣長安村之先塋公為人體質魁梧音吐洪亮日侍廷陞而禮制習熟動無所失及年既邁恭謹愈甚故累朝特寵眷之遂以諸生至九鄉可謂嘉遇也已

鴻臚寺卿江郎周先生文興傳 趙鏜

江郎先生者江山鳳林里人也生而穎慧丰姿瀟灑自幼時即慕李泌之為人有異僧見而奇之曰此子風骨不凡當是神仙中人但恐世情牽染為顯官則無望矣其家聞其言強為博士弟子員從遊章楓山先生門先生一見其文許以決科曰是無煙火氣者遂舉正德丁卯鄉試第四人次年舉進士高等即乞致仕不允乃以疾告遍遊海內名山凡太華終南衡嶽匡廬遊覽殆遍歸丁內艱服闋起授比部主事尋復以憂歸築室於江郎之鐘鼓洞終日端坐觀心定

浙中如錢八山周江郎故物是外

性若將終身焉嘉靖改元奉部檄補禮部祠祭仍乞
休不允告改南尋轉稽勲郎中屢轉至鴻臚正卿即
乞致仕歸寓居府城晚年移居武林徜徉湖山日與
高僧異人爲方外交藩臬諸公慕其風者咸願出門
下侍御邢臺趙公玉泉扁其所居曰嵩寓總制胡公
梅林巡撫阮公山峰爲造高士堂以居焉先生周姓
諱文興字用賓嘗居江郎山故因以爲號年八十二
無子終於武林云論曰先生平生不喜著述亦不作
應酬文字而於道經釋典則深裁其味中年頂上結
一疋令人大棒槌之不知痛人以爲丹成之驗故信

從者衆或曰昔人謂康節別是一般聖人若先生者
其不別是一般人品與余每謁先生見其非神器度
真有振衣千仞之風令人鄙吝不覺都消或者之論
其然哉其然哉

其然若其然若
其然若其然若
其然若其然若
其然若其然若
其然若其然若
其然若其然若
其然若其然若
其然若其然若
其然若其然若
其然若其然若

鴻臚寺卿魏澆傳

魏澆直隸合肥人羽林衛籍正德戊辰進士六年任
鴻臚寺左少卿十五年九年考滿陞本寺卿初通事
缺人見在通事假訪保名橫行求索視利輕重為出
入嘉靖元年澆疏其弊凡選補各國通事除丁憂緣
事俱不作缺其見缺十人以上及一國全缺者在外
行各邊鎮巡每缺精選一人送部在京不必通行通
事訪保禮部劄鴻臚寺召選真正籍貫子弟取具印
信保結粘送部覆審相同再試每缺精選一人奏送
該寺分派各國年深老成通事教習如本國無人許

議選
補通
事


其自從師受業或隣邦通曉者教之一年之後同邊方訪保到部之人通行試以夷語上者收補次者候缺下者黜退不得稱守候多年以濫收選時勘結人員不得以過犯頂冒之人竄入著爲令禮部覆議詔從之歷太常寺卿掌鴻臚寺事

鴻臚少卿王公希孟墓碑

予平生有雄傑友曰獲嘉王宗哲云宗哲諱希孟號淇東貌肥黑而健力性敏而耻自屈推事陳義已雖未悉得他人稍啟其端卽娓娓談多奇悟弘治戊午同予舉河南鄉試乙丑同第進士已值武皇卽位出令唐山更賢改邢臺逆瑾方竊弄國政閹使謀校旁午下郡縣大索賄少不厭欲中以法大者械首廷笞次削秩遠竄吏日惟辦茲亦乘隙自潤上官諒其艱不深咎宗哲廉白自將盡力民事又善斷決無滯務守郭絀潔修有稱宗哲勞而病守憂自來視求

醫診治三載晉刑部主事正德庚午秋八月闔張永
害瑾權奏瑾大惡詔多官廷鞫皆錯錯索索莫敢先
發言衆促司寇乃問瑾胡爲引用鄉人瑾笑乃罵曰
汝文武大臣皆由我進何得言鄉人衆皆習息駙馬
蔡震詰瑾考掠成獄震武人齷齪無所長一旦名聲
遍朝廷法官推宗哲謹獄詞慷慨亢朗聽者竦然由
是銓司器之太宰楊遠庵選授鴻臚少卿前未有超
級如此者遠庵方以折體越用招士出其門士亦樂
比附宗哲僅隨衆投名狀迄宰遠去位未嘗登其私
堂交一言乙亥七月二十三日以疾卒生成化乙未

八月十一日享年纔四十有一宗哲負氣忤物面數
人過失指其隱弗恤人不能堪能因而改者極與厚
善好強飲醉更浮白坐是得蠱病予與何仲默日候
之疾革自恨業不遂擊膺忿厲旣卒予與仲默仍請
費於鄉士夫及他厚宗哲者乃得棺斂馬柳泉敬臣
守大名助之葬云



鴻臚寺右少卿胡公侍墓志銘 許宗魯

公姓胡氏諱侍字承之別號蒙谿應天府溧陽縣人
 也 國初諱士真者明醫術坐累謫戍陝寧夏衛歷
 四世皆為寧夏人司馬公卒 賜葬陝西咸寧縣韋
 曲得守冢墓遂為韋曲里人公少治書為縣學生正
 德癸酉舉鄉試丁丑舉進士戊寅授刑部雲南司主
 事辛巳晉廣東司員外郎嘉靖壬午晉鴻臚寺右少
 卿甲申謫補山西潞州同知乙酉下 詔獄事白奪
 秩編民戊戌 詔復其官癸丑十二月四日考終於
 冢距生弘治壬子十一月六日得年六十有二明年

甲寅十一月四日祔葬司馬公墓次所著有蒙谿集
三卷續集一卷墅談二卷真珠船二卷清涼經一卷
傳之於世右狀所載如此云維公靈炳肇生粹敏夙
賦垂髫穎慧族稱豹變之資弱冠敷揚鄉舉鳳輝之
覽逮過庭之服習遂遊泮以翱翔胞羅星斗之文落
筆而煙雲滿紙腹蘊經史之奧縱談而古今懸河首
薦鄉書省推顓雋繼登廷對朝慶得賢仕始白雲著
火雷之剛決明垂黑索並日月之靈融式慰勤而折
獄以情體欽恤而求生於殺淮南密網解三面而仁
活千人定國高門款五刑而慶延百世陸卿禮寺佐

肅朝章寅恭贊導乎一日司執度儀刑乎四裔瞻天
尺身依斧辰之榮捧日周旋晉接 冕旒之賁叔孫
制禮體統正而朝廷尊公西立朝應對諧而賓客悅
無何崇祀議興曬言訟聚公乃橘性不化荼苦遂罹
賈誼少年自速長沙之責子牟忠悃常勤魏闕之懷
方內咎以圖新忽外尤而作戾紛馳錦貝組織無端
載錮園徃控白何所公惟究心義畫誦言臣罪當誅
絕念鄒書仰恃 皇明有赫旣而大地生春恩深玉
律覆盆回照德沛金雞沐雨露之鴻私放山林而獸
逸於是瘁躬畎畝畢志典墳三農旣隙頌至仁於擊

壤之歌四部窮探揖往聖於羹墻之接謝靈運放情
自適賦登山臨水以徜徉邵堯夫知命樂天咏月露
風光而爾雅貧無儋石之蓄樂且有餘富有貫斗之
才學如不及雖古人三冬之苦八斗之雄方之恐不
能前也故其著述精研搜羅極至秦封孔壁了無遺
文汲冢湯盤脩興雅道謂爲詞林之宗匠學海之鉅
儒蓋無忝焉而又天昇純孝性篤友恭敦彼彝倫慎
茲庸行執喪則毀瘠越制侍養則色志無違昆季念
孔懷之休妻子翕好合之美生年華胄不染統絳之
風流投老窮居克厲貞松之志操古云居養易習亨
困移人可無其咎矣公器度深沈識見警捷剖紛剗
劇不假盡詞應變持危有同素畫而乃禁不返用卷
以邊終嗚呼傷哉魯也托葬於公自髫伊始何天不
弔隕我良朋感交道之始終慨斯文之凋喪爰製韻
語慰公於幽

麟徵錄卷之七十六

十一

麟徵錄

請換公林幽

中則非其限與交與之故絲掛其文之既喪矣其請
以茲絲掛和謝若曾也并其然公自尋時故可天不
陳不則盡隨其變其亦在風素宜而八禁不與凡卷
困迹入可無其谷矣公器與器其器其器其器其器其器

鴻臚寺寺丞錢君貴墓志銘

文徵明


嘉靖甲申錢君元抑以鴻臚丞致仕還長洲閏六年
庚寅三月四日卒年五十有九君諱貴字元抑姓錢
氏吳越武肅王之後宋有寶文閣學士諱端問者卒
官平江遂家長洲漕湖之上君曾祖珖祖迪父腴世
有隱德而腴尤業儒有聞以君貴累贈文林郎太常
寺典簿母陸氏贈安人君生穎異數歲聞父讀史從
傍諦聽若領解者問之即能以意對父大奇之授以
家學年十六選隸學官始從師習舉子業不數月悉
通其義御史按試輒占高等弘治戊午中應天府鄉




試益淬勵精進期取甲科既而試禮部數不中而其
名日益起從遊者日衆君質義演推必盡底裏又爲
游揚引重使皆有聞一時學者咸親附之正德辛巳
以太學生試吏部入格授太常寺典簿時方用羽流
爲太常卿少君上言秩宗之用典司禮樂統和神人
職重位尊不宜以異端參列其中又言太監蕭敬饗
陂懷讓屢遭論劾不宜在 上左右又集姦璫王振
曹吉祥劉瑾事著三患傳上之時 上新卽位中官
有用事之漸君言隱然有所指陳人咸避之會有事
與獻帝園陵君奉詔副大臣往治禮儀禮成復命賜

三患傳是劉公定之作

白金五十兩及追崇議起君因論籩豆之數乘澗有
所論列或謂非所宜言君曰吾職司事既有知不敢
不以聞禍福非所計也在太常執事節適多所建正
而操廉履慎莫或過舉既舉最當遷而君雅有歸志
遂上疏乞骸骨 朝廷以年未及不許疏再上乃進
今官以榮其歸





南京鴻臚寺卿胡公森墓志銘 應廷育

公胡姓諱森字秀夫別號未齋自幼英特迥邁不凡
 大父期公碩器幼齡送入黌宮博究羣書為文雋拔
 領正德丙子鄉薦丁丑魁太學試庚辰中式禮闈
 辛巳 上首策多士賜公進士出身初授南京刑部
 河南司主事繼陟本部陝西司員外郎更廣西司明
 察廉平寬惠信決平富民沈氏之訟父子兄弟咸輸
 其情聽訟之中教化行焉察鑄錢之私併得假官之
 狀請託之杜摘伏神焉告謁月餘則部案累積視事
 一日則囹圄幾空逮繫之釋數百皆呼青天而去繁

劇之理有仁恕焉不激不隨有學有守心存愷悌而
讞獄本於平恕志向高遠而自處拔乎流俗則見於
部堂季襄惠公之薦遂有吏部稽勲司署郎中之擢
歲在戊子率士來賓大明黜陟實難其選朝論僉同
陞公考功郎中公廣詢博訪誓心秉公於時大禮著
爲成典矢議諸臣皆就外補執政欲追前尤公爲從
容回幹士類藉以保全太僕卿楊公最時爲寧波守
以剛方忤部使被論公獨諒其不阿爲之解釋覆奏
卒以忠諫顯有省憲長等在議黜例首相欲私庇之
公竟黜之不少貸考績事竣歷轉文選司郎中明揚

側陋惟其賢不惟其類辟引善類士途爲之一清斥
罷貪庸首相爲之莫挽冢宰涓涯霍公疏可證也會
陞南京太常寺少卿時有祀典明禋之疏以求無愧
於天理民彝之極其署光祿之印葦厨役之濫輸省
麩孽之冗費却署官之餘金不以非專職而不事事
癸巳之秋北補太常少卿提督翰林院四夷館官階
清要士民傾心無何公妣王恭人卒以內艱去任扶
柩歸葬結廬墓側哀禮備至服闋筮筭在疚四期始
起赴京又以斬於請謁忤首相補南京鴻臚寺卿公
以局閑事省減去直役時與涓涯霍公泰泉黃公東

郭鄒公泉亭吳公談說理學講明國是以需大用
皇上克謹天威因遇災異許令自陳三疏乞休遂得
請家食宰相尋亦被論去無幾召復相舟停澱溪請
見公輒稱病不往嗣後內外交薦皆不報繼其相者
公南官邸舊比鄰也厥子竊柄遂不與通尺楮大中
丞歐陽公必進雖有特疏之薦而公高尚之志於此
決矣厥後二相果不令終人由是服公之先見躬飭
粥調藥餌養封君中憲公又十餘年壽躋大耄而卒
公年亦邁其哀慟居廬動必如禮營墓建祠皆親課
弗懈又聿追前季家廟之在青陽者皆修葺而拓其
基焉餘惟杜門九峰韜養自晦優游林下者凡二十
餘年而卒


斜平而卒

基點籍對林門此制辭養自難對林不昔且二十

南京鴻臚寺卿觀吾史君朝賓墓志銘

袁洪愈

余讀楊忠愍傳咨嗟憤懣法然涕泣不得停刃姦兇
腹中以為恨 世廟雖御臣嚴未始不謀於輔臣如
徐文貞調護海君瑞上怒甚卒得解忠愍之見殺嚴
氏力為之也佐賊者仇賊所撼曲法蔑理孰知有忠
臣孰知有國家良心亡無所不至亦鄙夫恒情於時
以下僚抗上官執辭曰不可雖弗獲竟其志豈不亦
難哉觀吾史君所以無愧於人其行可述其墓可銘
也已按狀嚴氏嵩之欲殺忠愍也授指刑部侍郎王



學益文致其罪史君適以山東司員外郎署司事論
辨終日曰繼盛何罪也王知不可奪自爲律案以詐
傳親王令旨律藁成授司令署銜君痛心疾首無如
之何乃自署疏尾有揚繼盛語雖註誤心實無他惟
復 陛下憫其狂愚謫發遠戍以全好生之德等語
疏入嵩怒揚坐歿而君則降職調外矣君雖左遷聲
譽自此勃勃起由泰州判官陞揚州府通判陞南京
戶部員外尋陞郎中丁母憂服闋補工部郎中管張
秋陞河南僉事陞尚寶少卿陞南大理寺丞應天府
丞南鴻臚寺卿時文貞爲元輔方欲大用君未幾而

君逝矣君以正德庚午四月二十九日生以隆慶辛
未十月初三日卒卒十有六年爲 今上萬曆

歲余始誌其墓中之石君姓史氏諱朝賓字應之別
號觀吾其先浙之四明人元至正中有禡者避地入
晉江遂爲晉江人禡生元吉元吉生惠有孝行 詔
旌其門以長子盛貴封戶部郎中惠生隲隲生時泰
時泰生商嶮公宏璉任金壇訓導贈鴻臚卿君之父
也母包氏封太宜人贈太恭人君以嘉靖辛卯薦於
鄉爲第二人丁未試春官爲南字高公所錄第一人
試於 廷爲二甲第四人君雅尚澹泊簡約耻爲時

俗麗態自宦所歸儻居僧寺舍車而徒宛然寒素士也孝友忠信不言而躬行居官奉法循理節冗費恤民隱卻餽遺雪冤抑所至著績薦於端簡鄭公曉曰表裏無間夷險一節稱於蔡巡撫汝楠林宗伯濂曰不飲大梁一滴水曰聽其言若呐呐不出口而胸中膽略有萬夫莫當之勇余嘗與君共事留都蓋親覩記其議論猷爲真有道氣象前輩風流不可及也詔賜諭祭鄉推賢祠君沒有餘榮焉而諸子皆彬彬守其窶貧而厲志進修福澤綿綿蓋未有涯也君嘗集自古父子兄弟言行可法者爲史氏內範行於家

又行畧

弟朝富

堂 肅皇帝癸丑之春楊椒山公繼盛以兵部郎上疏極言嚴氏納賂蠹國十事疏中有引二王語上大怒命杖之百下司寇獄舉朝皇皇時余伯兄觀吾以員外郎署司事部堂則 何公也問當擬何律觀吾答以奏事不以實當用此律堂翁曰更有一律可用汝試尋之次日復翁曰以員外見只有此律它無可傳者翁乃指詐傳王旨一條謂用此何如觀吾爭不可時急矣延數日獄未上堂翁乃曰汝執誠是然 聖怒不測與其俱斃無益不若姑狗 上意以

待後解左堂王者嚴氏姻人也則曰司官欲徇名姑
饒我老命於是改擬詐傳王旨絞藁成授司令署銜
尤痛憤既不可奈何乃自署本末云楊某言雖誑誤
心實無他惟復 陛下憫其狂愚謫發遠戍以全好
生之德數語及疏入相嵩怒楊坐歿司官降三級調
外任堂上官罰俸三月方嚴氏勢焰士大夫相見以
目不敢言及椒山事同年提牢者至一黑羊不許入
諸相問者椒山俱閉目不言獨觀吾至則張目視曰
史年兄耶多費心矣兄瀕行與楊書曰遇翁之事當
以歿諍賓不歿者尤冀翁之不歿也帶罪出門望翁

自愛明明者天庶幾一悟楊復書曰批奸人腸誓不
俱生自分必歿翁何苦也翁行矣天下事尚可為珍
重珍重手書至今存調任之後達官貴人凡皆嘖嘖
慰勞至見次相李南梁公未及廳遙指曰此真男兒
也遂降階延入慰藉尤至今縉紳大夫不惟不知觀
吾事并揚椒山亦或惘然王鳳洲為楊立傳僅及郎
史君不詳其實而且沒其名可惜也余觀今之巧於
取名者稍建一言著一節曉曉以名節自負人亦爭
以名歸之雖一時遭抑旋即償之因而負重望躋膺
仕若觀吾者一遭譴謫蕭然一州幕赴任上官無物

色之者三年盡瘁供職竟不得一引薦富時觀吏部政楊武東公掌選以風裁自持欲收拾天下人才道及將處之一京職以嚴氏意未解量移揚州通判及李古冲公位冢宰李素知觀吾者乃稍遷南戶部郎嚴氏敗諸爲所擠斥者俱蒙賜還觀吾復以河南僉憲轉尚寶卿尋丞大理駸駸向用矣竟以無書抵政府留滯南都終於鴻臚散卿以沒嗚呼此誠拙之效其視今之巧於取名者何如也

中憲大夫南京鴻臚寺卿張公朝瑞墓表

焦竑

萬曆辛卯鳳梧張公以金華守入觀太宰陸莊簡公負人倫鑒擇計吏卓異者六人請旌之公與焉當是時公廉直之聲天下莫不聞余意公必矯然有以自異者久之與公遊蓋闇然篤行君子也嗟乎吏不受賕常耳而世輒以自矜訥訥見於頰面宜其一節之鮮終而又何以論於其大余以是歎莊簡之知人而公之賢爲不可及已公年六十有八以癸卯二月十一日卒明年冬十月二十六日諸子將葬公州孔

望山之原而屬表其墓余惡能辭公諱朝瑞字子禎
生敏而恪五歲知字義十三入州校嘉靖辛酉舉應
天鄉試隆慶戊辰舉進士屬州有倭警議築城公卽
捐坊金爲倡釋褐令安丘烹使者以治蹟交上未幾
丁外內艱歸服闋補鹿邑令公至益自發舒賦溢額
蠲之土蕪蔓不理闢之集流移舉鄉約嚴什伍大要
以惠元元遏姦宄爲急巴疆半侵於衛人民苦虛賦
公履畝以覈復侵地七千餘頃於是公聲稱奕然著
三輔間矣以令高第徵次當補給事中御史而特相
銜公著書有所刺譏僅還南行人司副已轉計部員

外郎晉郎中凡鈔關板關之役以膏脂名者力辭不
行時時典衣種貧爲朝夕費至事關大體則不憚悉
心以籌大司農倚重焉出守金華爲儲胥其民而祗
席之甚具會歲饑穀涌公出帑金貴糶而平糶活饑
民以百萬計郡故有先賢祠日比公葺之更拓爲書
院置田二千餘畝延師儒貯載籍以教語具崇正書
院志中遷濟南兵使者兼治河時有議鑿性義嶺者
公相度川原謂鑿空而勞數十萬人之力損大司農
金錢非便慨然建議有三當謀八可已二可患之說
與總河大臣意忤杜門求去因調金衢而總河糜度

支水衡錢無算功卒不就朝論翕然多公居無何湖
中民變起上下囂然復假公叅知以填之公居湖黜
貪殘吏壹以清靜為治若義倉義冢善政具舉而止
礦一疏先諸司為民請命貂璫卒詘于輿論者本公
首倡方也召為南京兆丞再遷鴻臚寺卿會黃河西
徙漕綱為梗公以分淮導黃為非策抗疏極論之大
旨塞黃壩口復徐邳故河謂黃壩口不塞則徐呂
水不流江南四百萬漕艘無入京之路疏入主計者
警夷莫決公引疾乞骸兩奉 旨慰留給由復職攝
南京兆公再蒞事風清弊絕民以牧寧念士貧無資

前為置田者婁矣至是為鈞陳牘摺伏匿得五百金
益買良田以贍之如在郡邑時貢院之前築避雨舍
徙甓治衢不欲以霑體塗足為多士患也京兆有表
忠祠祀遜國諸臣公以為未備檢括史志增至六十
餘人主成躬奉以八且輯忠節錄一編以垂久遠其
加意風教類如此累推光祿大常卿 命未下疾作
一日端坐而瞑惜哉公仕既通顯敝衣糲食終身不
厭故廬湫隘不蔽風雨卒之日筭無遺金賴南中好
義者奔賻始克成殮夫世號潔廉者如建鼓而求以
子惟畏人之不知也自非然者或硜硜堅瓠無當縣

官用公廉而不伐業與沾沾自喜者異矣其臨民泣
政殫竭心力至日不暇給或遇國家大計意氣激發
侃侃亾所避雖賁育莫能奪也公氣色恬穆鮮所見
喜怒乃至違上守已奇禍不折危議不搖殆庶幾社
稷臣之風而廉吏不足以槩公矣平生面目嚴冷交
游間正色直言不作寒暄語數歷三十年不以竿牘
一通於津要以此自立亦以此不合於時然公亾悔
也事伊湖公色養備至又廣其意作族譜九卷附名
賢家訓于末劄祠堂義田義學收族之貧者而養以
正復推其贏於周親間黨戚被焉昔范文正身無以

